

LONDON MEDICAL SOCIETY OF LONDON

139

Q. D. E. V.

DISSERTATIO INAUGURALIS MEDICA
DE

**BEZOARDICORVM
EMOLVMENTO ET DETRIMENTO**

QVAM PRAESIDE

DN. CHRISTIANO GODOFR. STENTZELIO

ARTIS SALVT. ET PHILOSOPHIAE DOCT. CHIRVRG. PROF.

PVBL. ORDINARIO PATHOLOGIAE PROF. SVBSTITVTO

ET H. T. FACVLTATIS MEDICAE DECANO

**DN. PATRONO PRAECEPTORE AC PROMOTORE
OMNI HONORE AETERNVM DEVENERANDO**

PRO DOCTORATVS GRADV

ET SVMMIS IN ARTE MEDICA HONORIBVS AC PRIVILEGIIS

RITE ET LEGITIME CAPESSENDIS

PVBlicae ERVDITORVM CENSVRae SVBIIICIT

AVCTOR ET RESPONDENS

GOTTLOB DAVID MVLLER, DRESDENSIS

AD DIEM IV APRILIS ANNI 1500 CC XXXV.

IN AVDITORIO MAIORI

HORIS ANTE ET POST MERIDIEM CONSVETIS.

VITEMBERGAE

LITERIS VIDVAE GERDESIAE.



DE
BEZOARDICORVM EMOLVMENTO
ET DETRIMENTO.

I.



tatuatur iustum cuius preti-
um, seruetur in rebus lau-
dandis et uituperandis mo-
dus, derogetur nulli quid
iniuste, nullique quid tribu-
atur inique, quo, quid ue-
rum, quid falsum, quid utile, quid noxium, as-
sequi queamus. Plures in eo medici a recta
uia multum aberrant, dum uno alteroue
commoti experimento, a particulari ad uni-
uersale absona concludentes methodo, quae-
dam remedia, licet repugnantem habeant
rationem atque experientiam, non laudi-
bus

bus solum ad coelum usque extollunt, sed eadem etiam, panaceae instar, in quibusuis morbis, commendant et praescribunt, aliosque plurimis afficiunt conuitiis, qui illorum auersantes nugas contrariam amplectuntur opinionem, nullumque remedium uniuersale ad quosuis morbos curandos sufficiens, admittunt. Dantur utique remedia *πολύχρεσα*, quorum magna in multis infirmitatibus curandis est utilitas, panacea uero, remedium scilicet, prosperam in quibusuis subiectis ualetudinem conseruans, omniaque corporis mala auferens, adhuc desideratur, et post nostra desiderabitur fata. Acriter quidem et multum multi de possibili panacearum praeparatione disputarunt, sed hic non disputatione, sed demonstratione atque experimentis opus est; non uerbis, sunt PARAEI (a) uerba, sed remediis conuenienter usurpatis, conseruatur et restituitur sanitas. Nec defuerunt alii, qui de panacearum possessione maxime gloriati fuerunt, idque aliis sordidi infamisque causa lucelli per-

(a) in Canonibus suis Canon. 2.

persuadere uoluerunt, sed aliud plane euentus, certissimus rerum medicarum magister, docuit; periit quippe inanis ille iactator Paracelsus, qui suo Azoth, Methusalemi fecula promittebat; periit pariter Helmontius, perierunt alii quoque, peribunt et illi, qui suis balsamis uitae, tincturis solaribus, essentia dulci, aliisque similis naturae remediis hominibus longaeuitatem pollicentur, cum plures iam hisce horumque promiscuo usu praematura e uiuis morte sint furrepti, nam, uti habet CELSVS, (b) non omnibus aegrotis eadem auxilia conueniunt.

II. Est ita, nec aliter, praesentis hominibus mundi magis fucus, quam sinceritas aridet, atque ab iisdem medicafter multa magnaue promittens maiori in pretio habetur, quam genuinus uereque doctus medicus; quid mirum, si quae medici, medicamenta quoque sustineant fata, et ea, quae laudanda, uituperentur, quae uituperanda, laudentur. Vti uero nullum inuenitur remedium in omni peraeque casu congruum at-

A 3

que

(b) lib. III. de Re Medica cap. I.

que utile, ita nullum quoque reperitur tam abiectum, quod omni destituatur emolumento. Habent et medicamenta suas uirtutes, suaque pariter uitia. Vtrorumque uero fundamentum diuersa applicatione, usu atque abusu innititur. Vnde dilucide patet, quod quaeuis remedia, quas possident uires, a uario solidorum fluidorumque nostrorum statu motuque recipiant. Motus uero ac dispositio partium corporis nostri tam in sano, quam aegroto multiplex existit, multiplex igitur in diuersis subiectis unius eiusdemque remedii operatio quoque erit. Hoc quotidie in sic dictorum purgantium, emeticorum, diaphoreticorum, diureticorum, emmenagogorum, cordialium, cephalicorum, pectoralium, hepaticorum, bezoardicorum usu experimur, obseruantes, remedium, quod huic profuit, illi obesse, quod sudorem mouit in altero, alteri crebriores alui deiectiones procurasse. Famigeratissima uero inter remedia sunt, bezoardica, quae, cum multifaria uereque polychresta sua uirtute, benignaque partim, partim maligna operatione, satis nota sint, et

et multis aliis internis praeferantur medicaminibus, iique, qui ne extremis quidem digitis salutaris fundamenta artis attigerunt, felici saepe, saepeque infelici successu eadem adhibeant, operae pretium esse iudicaui, de accommodato directoque eorum usu in morbis tam acutis, quam chronicis agere, et simul, quae quantaque promiscuam et praeposteram remediorum bezoardicorum applicationem sequantur, incommoda indicare. In his uero perficiendis, non dispiciemus, quid hic illeue inclutus medicus de bezoardicis remediis in genere, aut de hoc illoue in specie senserit, sed nostri ratio instituti postulat, ut diuersorum principia naturamque bezoardicorum examinantes, eadem cum iis, quae usus atque observationes clinicae subministrant, experimentis conferamus, ac deinceps ratione atque experientia suffulti in quibusnam casibus, quae et qualia bezoardica, qua dosi, quo uehiculo, cum iudicio applicanda sint, ob oculos ponamus ac demonstremus, quia medicamenta, bezoardica inprimis, uti loquitur

GA-

GALENVS, (c) ueluti Deorum manus sunt, quod iuuent maxime, si is, qui eis utitur, in rationali methodo fuerit exercitatus, et natura prudens.

III. Prudentia igitur medici, prudensque, secundum indicata, bezoardicorum applicatio, illud, quod a bezoardicis in praesentis defensione sanitatis, morborumque cura, desideramus, emolumentum, nobis procurant. Medici econtra imprudentia, et praeposterus allegatorum usus, causam detrimenti, quod hac ratione afferunt, constituit. Sunt autem Bezoardica, alias a medicis Alexiteria, Alexipharmaca, Antidota, Theriacalia dicta, medicamenta, quibus specifica uirtus uenena et malignitatem expellendi tribuitur. Eorum nomen deriuatur a lapide Bezoar, qui uocabulis Persicis Pa et Zahar ita dictus fuit, cum apud Persas Pa contra, Zahar uero uenenum significet. Ex aliorum mente huius termini deriuatio desumpta est a uocabulo Hebraico et Chaldaico, Beluzaar, quod Bel dominum, et
Zaar

(c) lib. 6. de compos. medic. secundum locos cap. 3.

Zaar uenenum denotet, sed eosdem in eruda huius termini origine hallucinari, DEVSINGIVS (d) perhibet. Nec eorum approbandam esse sententiam, qui hunc lapidem a Persico *Bazar*, uel Pazar, forum seu mercatum denotante, dictum uolunt, docet BONTIVS, (e) de eodem tradens lapide, quod nemo unquam ipsum in foro uenalem uiderit. Hunc deinceps terminum medici non solum de lapide bezoardico orientali atque occidentali, iisque medicamentis, quae lapis Bezoar ingreditur, sed de aliis etiam remediis, quae ex eorum sententia, similem cum lapide bezoardico uirtutem et principia obtinebant, usurparunt.

IV. Antiquis bezoardica nomine ignota, re uero notissima fuerunt, cum, quod hodie bezoardici titulo insignitur, ab iisdem in genere alexiterium atque alexipharmacum, in specie theriacale fuerit appellatum;

(d) fasciculo dissertat. select. quae Groeningae 1660. in 12mo prodierunt. dissertat. de lapide bezoar. p. 325.

(e) de Med. Indorum Animaduers. ad cap. 45. Garciae ab Horto.

tum. Constituunt quidem nonnulli, teste GIESWEIN, (f) differentiam inter alexipharmaca atque alexiteria, asserentes, quod illa deleteriis atque ore assumtis uenenis resistent, medelamque afferant, haec uero animantium uenenatorum ictibus et moribus, ac uenenis extrinsecus applicatis sint opposita. Hodie uero eadem, tum alexiteria, tum alexipharmaca, unum idemque cum bezoardicis denotant. Alias alexiteriorum nomine, quaeuis in genere morborum antidota indicabantur, uti ex GALENI in Hippocratem commentario constat, ubi sequentia leguntur uerba : ἀλεξητήρια, βοηθήματα, καὶ γὰρ ἀλέξαται, βοηθεῖν εἰν. (g) Ab his quoque ortum existimo graue illud praeiudicium, ubi non modo haec remedia pro specificis certisque omnium uenenorum antidotis habebant, sed eadem

(f) *Hodego Medico, seu systemate uniuersae materiae medicae Galeno-Chymico, quod in 8uo Francofurti ad Moenum 1676. prodiit, lib. I. Part. 3. titulo 36. p. 178.*

(g) *Vid. Lexicon Erotiani et Galeni Graecum, quod cum Dictionario medico Parisiis apud Henricum Stephanum Ao. 1564. in 8uo prodiit, p. 60.*

dem quoque ad prosperae tutelam ualitudinis, omnisque medelam infirmitatis, in quibusuis subiectis, quouis tempore, tanquam uniuersalia et tutissima prophylactica, promiscue commendabant; theriacam, scribit GALENVS, (h) ceu ipsa quoque ignis quidam purgatorius existit, si in pestifero aeris statu assumatur, neutiquam humorum corruptionem pestemque admittere, nouimus. Et alio loco, apud eundem auctorem, (i) sequentia leguntur: si quis singulis diebus, quemadmodum tempestate nostra Aurelius Antonius Imperator, uel sicuti olim Mithridates solebat, antidotum capiat, nullis noxiis potionibus laedetur. Id quod ipsi Mithridati contigisse ferunt, qui tum potius ueneno mori, quam in potestatem Romanorum uenire decreuisset, nihil inuenit, quo se necare posset. Haec de theriaca, uniuersali cuiusuis ueneni antidoto, persuasio, tam altas in mortalium animis egit radices, ut adhuc hodie innumeri homines

B 2

quoti-

(h) lib. de theriaca ad Pisonem cap. 28.

(i) lib. I. Antidot. cap. 1.

quotidie theriacam non sine sanitatis dispendio assumant, eo ipso, quo morbos praecavere gestiunt, morbis ansam et materiam suppeditantes.

V. Nec aliud quid ex promiscuo bezoardicorum seu alexipharmacorum usu expectandum; quemadmodum enim maximum in uenenis ac causis morborum discrimen observamus, ita idem praecipue in remedium his oppositorum et resistentium examine atque applicatione attendere decet. Nec credendum, quod lapis bezoar, decantatum illud remedium, ad quosvis curandos morbos, uti multis persuasum est, conueniat. Lapis bezoar, ignotum priscis Graecis et Latinis medicamentum, uti annotauit PANCIROLLVS, (k) inter nobiliora ac praesentissimi remedia effectus, nostro laudatus seculo, primum a RHASE, (l) AVICENNA, (m) et SERAPIONE, (n) cele-

(k) lib. 2. recens. inuent. tit. 3.

(l) lib. 8. ad Almanforem cap. 11. 14. 15. et lib. 1. diuis. cap. 141.

(m) lib. 4. Canon. fen. 6. tr. 1. sum. 2. cap. 1.

(n) Lib. de simplic. medic. cap. 396.

celebratus, ac contra uenena, tanquam praestantissimum alexipharmacum, commendatus fuit. Post Arabum uero tempora, antecedentibus aliquot seculis, hic lapis, teste DEVSINGIO, (o) plane obliuioni traditus, diu in occulto haesit. Huius uero usus, dignitas et fama, cum malignarum accessu febrium, quas Itali petechiales dicebant, renouata et quasi resuscitata fuerunt, ita ut plurimi tum certa illa occupati tenerentur persuasione, persuasi a medicis uel imperitis, uel superstitiosis, uel lucellucupidis, neminem sine huius lapidis usu lafebri petechiali aliaque maligna posse liberari. Vnde plures de eo lapide comparando solliciti nullis sumtibus pepercerunt, eoque etiam prudentes adegerunt medicos, ut nonnulli, teste BAVHINO, (p) licet inuiti, dictum remedium in usum uocare coacti fuerint.

VI. Licet uero lapis bezoar satis notum sit remedium, multa nihilo secius absona

B 3

(o) fasciculo select. dissertat. edit. citat. dissert. de lapide bezoard. p. 321.

(p) in Praefatione tractatus de lapide bezoar.

na de eiusdem origine, principiis et uiribus apud uarios passim auctores inuenimus; quidam enim, teste SYLVATICO, (q) putant, hunc lapidem esse, qui generatus dicitur in oculis ceruorum in Oriente. Anilis enim Plinii fabula est, quam et allegant, et ut ueram historiam, AMATVS LVSITANVS (r) et SCALIGERVS (s) proponunt, quod ceruus narium spiritu ex cauernis serpentes extrahens, ut iam debilis senio nouum acquirat robur, edat, ac maxima affectus siti stagnantes subeat aquas, iisque, ad collum usque circumdatus, tam diu immoretur, quousque aduertat, ueneni uim esse superatam, interea uero humoris in oculo paulatim crassescientis atque ad glandis magnitudinem excrescentis affluxum fieri, qui deinceps, postquam aquas dereliquit ceruus, ficcetur, ficcatus decidat, atque ab hominibus bezoardici titulo lapidis, cuius resistentis uirulentiae, colligatur, asseruetur atque adhibeatur.

Verum

(q) *Pandect. cap. 399.*

(r) *Comment. in Dioscoridem cap. 39. lib. 2.*

(s) *Exercitat. de Subtilitat. ad Cardanum exerc. 112.*

Verum haec sententia sanae principiis rationis repugnans ac fide dignorum uirorum relationibus atque experientiae repugnans, refutatione non indiget, sed digna potius risu, ridicule, inquit ANSELMVS BOETIVS DE BOOT, (t) quidam lapidem bezoardicum cerui lacrymam induratum esse putarunt. Nihilo secius IOANNES DE LAET (u) illam fabulam, non attendens ea, quae antecedens commemorauit auctor, dum eadem supplere, quae in illo omissa uidebantur, uoluit, denuo in scenam produxit. Quemadmodum uero in eo omnes prudentes medici conueniunt, quod lapis bezoardicus in animalis uentriculo generetur, ita maximus apud eosdem in huius animalis descriptione dissensus occurrit, sed non difficile erit, eosdem inter se conciliare, si consideramus, quod in pluribus diuersae naturae et structurae animantibus lapides bezoardico dicto similes et inuenti fue-

(t) *Gemmarum et lapidum historia, quae Lugduni Batavorum 1647. in suo edita fuit lib. 2. cap. 192. p. 364.*

(u) *lib. de Gemmis et lapidibus, qui annexus fuit instar Commentarii Ans. Boetii histor. Gemm. lib. 2. c. 6. p. 114.*

fuerint, et adhuc inueniantur, unde eadem ad GARCIAE AB HORTO, Proregis Indiae Medici, (x) CAROLI CLVSII (y) et aliorum historias perspiciendas atque explicandas, quas allegat ANSELMVS BOETIVS A BOOT, (z) merito applicanda sunt.

VII. At sunt aliae adhuc maioris res momenti examinandae et perpendendae, huius quippe lapidis distinctio, principia et vires; notissimum quippe bezoardici lapidis inter orientalem atque occidentalem discrimen, a terrae plagis, ex quibus ad nos asportantur, desumptum. Diuersas quoque occidentali, ab orientali vires, et quidem huic prae illo praestantiores, multi tribuunt, sed uariis institutis experimentis, tum chymicis tum physicis, iisque cum obseruationibus clinicis collatis, idem, de quo alii maxime gloriati fuerunt, licet omnem adhibuerim sedulitatem, haud inuenire potui. Non

(x) *Histor. Aromat. et simplic. medicam. apud Indos nascentium lib. I. cap. 45.*

(y) *in Notis ad Garciam lib. et cap. citatis.*

(z) *lib. cap. et pag. citat.*

Non omnem uirtutem lapidi bezoardico, in morborum medela, denegandam esse iudico, et idem in pathologiae exercitio usum habet, et legitima ratione in sufficienti quantitate adhibitus prodest, sed uniuerſalem omnium morborum antidotum non constituit, nec tantae eiusdem sunt uires, quantas illi plures adscripserunt. Eorum dehinc sententia nullo digna suffragio, qui, uti tradit DEV SINGIVS, (a) praedicant, nullum bezoardico lapide praestantius remedium ad cordis corroborationem, atque aduersus quaeuis uenena et febres pestilentes, cordis palpitationem, syncopen, melancholiam, febrem quartanam, uermes, malignam scabiem, lepram, pruriginem, impetigines, et nescio quos affectus alios, reperiri. Multo minus illi audiendi sunt, qui lapidem bezoardicum pro panacea ad omnis infirmitates generis curandas sufficiente habent. Nec fide dignam MONARDIS (b) iudico sententiam, qui perhibet, quod allegatum

C

reme-

(a) *lib. citat. p. 348.*

(b) *Simplicium medicam. Part. 1. lib. 2. cap. 1.*

remedium, praesentius et praestantius auxilium; effectumque in mulieribus, quam in uiris praestet. Magis adhuc a ueritate omnique aliena assensu sunt, quae ANSELMVS BOETIVS A BOOT (c) de externo huius lapidis usu affert, ad omnium, inquit, animalium uenenatorum ictus et morsus ualeat, si uulneri imponatur, nec minus uulneribus, toxico aut ueneno a sagitta alioue instrumento infectis, puluis inspersus medetur; foris, si alligetur sinistri lateris brachio, ut nudam cutem attingat, perhibetur uenenis resistere, et cor tueri, ne a ueneno aereue pestilente aut contagioso laedatur. Apertis etiam carbunculis pestilentibus, si inspergatur, uenenum omne exugere creditur.

VIII. Sic multis male persuasum, sic plures falso persuasi credunt, cum alii aliam eamque antecedenti omnino contrariam amplectentes sententiam, lapidem bezoardicum, tanquam pessimae uenenum naturae, plane repudient, dissuadeant, damnent.

In-

(c) *Lib. et edit. cit. lib. 2. cap. 198. p. 368.*

Infandus dicitur a GVIDONE PATINO (d) lapis bezoardicus, a quo tot fere offensi sunt, quot a strenuissimis remediis adiuti. Eadem fuit sententia THOMAE MIMADOI, (e) qui, nec admitto, scribit, nec in bezoardico lapide uim ullam occultam deprehendo, qua febribus opitulari possit malignis, meaque sententia est, commenta esse, anilesque fabulas, quicquid ab Arabibus de eo scriptum, et a recentioribus etiamnum uentilatum est. Pluries enim uariisque in aegrotantibus illum praescripti, sed frustraneo semper euentu. His quoque adstipulantur NICOLAUS BOOCANGELINVS, Hispanus, (f) et MARTIANVS, Medicus Romanus, (g) quorum hic, nihil praeter nomen atque opinionem, ex lapide bezoardico, superesse, tradit, ille uero, huius lapidis usum penitus damnat. Reperiuntur adhuc alii, qui media

C. 2

in-

(d) *Annotat. ad Dr. Nicol. Ellain tract. de Peste, quae in Deusingii fascicul. dissert. edit. cit. p. 378. reperiuntur.*

(e) *lib. de febrib. malignis cap. 15.*

(f) *in Tractat. de febr. malign. et pestilent. cap. 17.*

(g) *Commentariis in Hippocratem.*

incedentes uia, hunc lapidem, huiusque sufficientem quantitatem, in hoc illoue casu, commendant, in aliis iterum, dissuadent et repudiant; ex horum numero est FAVSIVS, (h) qui, explicata prius unicornu fossilis uirtute praecipitante, haec de eo, quod iam explicamus, remedio, subiungit: idem de lapide bezoardico sentio; quid tria grana efficerent in ualido corpore et ueneno forti? non omnis uis contra uenena ipsi deneganda. Peste laborans monili ex maculis nigris satis latis totum collum ambientibus fui ornatus; sumsi per biduum mane uiginti grana lapidis bezoardici singulis uicibus cum syrupo et succo citri et aqua acetosae, et maculae, nescio quorsum abierunt. Abusus tollendus; multi enim pereunt soli huic lapidi salutem suam credentes. Quin et corpori impuro uulgus empiricorum obtrudit. Vidi saepius puerulos in paroxysmos epilepticos praecipitados, cum ex uentris dolore eiulantibus hic lapis ineptissime fuisset

(h) in Epistola ad Deusingium de unicornu, quae Deusingii fasciculo dissertat. edit. cit. annexa est p. 318. et 319.

set oblatus. Est tamen obstetricum panacea. Et nihilo fecius huiusmodi medicastros mundus amat, tanquam ad genium atque ingenium suum fabrefactos. Deus nobis meliora.

IX. Eo maiorem uero in usu lapidis bezoardici circumspeditionem adhibere decet, quo rarior genuinus et uerus est, et quo frequentius spurius pro uero uenditur, aestimatur atque exhibetur. Tanta enim multorum hominum sacra auri fames, tanta astutia est, ut lapidis bezoardici ueri instar, adulterinos spuriosque conficiant, qui tam quoad externam quam internam conditionem, exacte uero respondent, ita, ut difficile, ne dicam impossibile sit, genuinum lapidem bezoardicum a spurio distinguere. Huius rei testem habeo CHRISTOPHORVM A COSTA, (i) qui refert, tanto artificio eos in Ormuz et urbe Cochin, prouincia Malabariae, ubi Rex degit, confici, ut legitimi appareant, fallantque in iis dignoscendis maxime etiam expertos. Hinc

C 3

quo-

(i) *lib. de Medicina Indorum, cap. de manna.*

quoque ratio reddi potest, cur ex lapidis bezoardici usu nullus saepe percipiatur fructus, sed eius potius loco, detrimentum; ad quae attendens HIERONYMVS RVBEVS RAVENNAS, (k) Clementis octauī archiater, sequentia de hoc lapide commemorat: non diffiteor, inquit, in febribus malignis, magnatibus uirisque illustribus quam plurimis lapidem bezoardicum me saepiuscule praescripsisse ad octo, decem, sedecim grana, uerum nihil unquam laudabile exinde subsecutum, obseruatum est, neque sudorem, neque uomitum, neque alui fluorem, nullumue subsidium aut emolumentum, et si magno pretio isti lapides coempti fuissent, pro ueris natiuisque haberentur, ab opulentis et eminentibus uiris comparati. Praeterea operae pretium facturum arbitror, si moneam, lapides illos fictitios esse et adulteratos, quod nobis innotuit in Clementis Octauī, Pontificis Maximi, felicitis memoriae, morbo, in quo ex lapidibus istis supra quadraginta ad nos allatis, ne granum quidem

(k) *Commentario in librum III. Celsi de medicina cap. 7.*

dem legitimum optimaque notae deprehendere licuit. Idem testatur RODERICVS A FONSECA, (l) ingenue pronuncians, lapides omnes bezoardicos hodierno tempore adulterari, nullosque genuinos reperiri. Dissuadet ex hoc fundamento dicti remedii usum THEODORVS ANGELVTIVS, (m) omnibus, inquit, medicis consulo, ne eiusmodi credant lapidi, neue ullo modo in usum uocent, cum certissime constet, nullum extare, qui adulteratus non sit. Talis fuit lapis ille bezoardicus ex hydrargyro atque auro paratus, cuius usu, teste ALOISIO MONDELLA, (n) plurimi perierunt. Talis quoque est ex cinnabari, antimonio atque argento uiuo, ex RYFFII (o) testimonio, confectus. Ad hanc pariter classẽ, ille, qui, uti refert CHRISTOPHORVS A COSTA, (p) ex creta

(l) *Traçtat. de febris malignis.*

(m) *lib. de febrium malignarum medela.*

(n) *examine medicament. simplicium.*

(o) *in Pharmacopoea restaurata cap. de lap. bez.*

(p) *lib. de medicina Indorum oriental. cap. de dicto remedio.*

creta, cineribus testarum ostrearum, sanguine sicco, et lapidibus bezoar minoribus subtiliter contusis conflatur, referendus.

X. Ab huiusmodi certe spuriiis lapidibus bezoardicis non nisi certissima pernicies atque innumera incommoda expectanda sunt; haec uero a genuino lapide bezoardico, siue orientalis, siue occidentalis sit, minus metuenda. Lapis enim bezoardicus magna substantiae terreae sale alcalino saturatae copia constat; unde, quae huius uirtus sit, abunde patet, praecipua nempe acidae dyscrasiae est antidotus, uiscidoque successiue resoluendo seruit, praeprimis, si acidum succos condensans in culpa sit. Certum hoc modo ex huius lapidis usu emolumentum in cura morborum, qui ab acido proueniunt, certum econtra detrimentum, in affectibus, quorum causa in alcalini praedominio salis consistit, aduertetur. Parum uero, aut nihil plane, si principia, operationem atque effectum respicias, lapis bezoardicus a cornu cerui et ebore sine igne, unicornu marino, fossili, lapidibus cancerorum, differt, quae optimo successu, bezoardici loco lapidis, adhiben-

hibentur. Cum uero tanta plurimorum hominum de huius lapidis uirtute esset persuasio, dehinc multis aliis medicamentis, ne dicam omnibus, nomen bezoardici tributum, imo nullum remedium efficax iudicabatur, et adhuc a multis iudicatur, cuius compositionem lapis bezoardicus non ingreditur, aut ad minimum bezoardici titulo non signatum est.

XI. Dehinc quoque factum, eum tanta lapidis bezoardici copia medicis non suppetet, quanta ad quasuis tot hominum infirmitates curandas egebant, cum arduum, ne dicam, impossibile esset, illud de praestanti atque uniuersali lapidis bezoardici uirtute, praeiudicium, ex hominum animis euellere, ut quaeuis fere medicamenta, sub bezoardicorum titulo, deinceps praescriberentur. Quam late igitur patens remediorum campus nobis in bezoardicorum examine occupatis sese offerat, modo dicta abunde probant et confirmant. Tot certe hodie reperiuntur et commendantur sic dicta bezoardica, ut potius de eorum selectu maxime laborandum, quam de penuria ac defectu

D

que-

querendum sit. Plura prostant bezoardica simplicia, dantur multa composita. Iisdem uegetabile abundat regnum, innumera nobis minerale suppeditat; nec parcior est numerus, quae ab animantibus desumpta, bezoardicorum nomine aegrotis exhibentur. Ex regno animali, praeter lapidem bezoardicum orientalem atque occidentalem, pro bezoardicis, teste GIESWEINIO, (q) habentur, cornu cerui, sebur, unicornu, lapides cancrorum, margaritae, mater perlarum, os de corde cerui, mandibulae lucii piscis, ossa uiperarum, ungula alcis, mumia, castoreum, zibethum, ambra, calculi uesicae felleae et urinariae, caro, sanguis, axungia et lotium ranarum, serpentum, taxi, uiperarum, anatum, ciconiarum, pauonum, phasianorum, scincorum, hircorum, ceruorum, hominum, cerebrum arietis, cuniculi, galli gallinacei, cor et hepar uiperarum, luporum et canum rabidorum, tunica uentriculi ciconiae exsiccata. Maximam pariter sic dictorum remediorum bezoardicorum

(q) lib. cap. tit. et edit. citat. p. 183.

rum farraginem, quae suggerit regnum uegetabile, deprehendimus, talia sunt, radix angelicae, ualerianae, uincetoxici, contraieruae, tormentillae, pimpinellae, zedoariae, scorzonerae, gentianae, helenii, imperatoriae, bistortae, acori ueri, allii, anthorae, aristolochiae, bardanae, carlinae, ceruariae, chinae, dictamni albi, doronici, eryngii, iridis nostratis, leuistici, pentaphylli, petasitidis, saxifragiae, sassaparillae, folia, flores, semina, cortices, fructus iuniperi, lauri, sambuci, chermes, citri, aurantiorum, cubeborum, agarici, betulae, fraxini, acetosae, ammios, anisi, coriandri, cumini, leuistici, napi, borraginis, buglossae, calendulae, centaurei minoris, croci, hyperici, salviae, scabiosae, stoechados Arabicae, succisae, abrotani, absynthii, artemisiae, basilici, betonicae, cardui benedicti, calaminthae, cardiacae, cochleariae, marrhubi etc. Nec his peruicax hominum curiositas acquiescit, plura quoque ex terrae uisceribus protracta, quae bezoardica dicunt remedia, bolum nempe Armenam, terram sigillatam, Boheamicam, Lemniam, uitriolum, nitrum, sal

D 2

gem-

gemmae, succinum, sulphur, unicornu et ebur fossile, crySTALLUM montanam, et uarii lapides pretiosos pretii ac figurae, ostentat.

XII. Tantam imo maiorem adhuc uarietatem, ad sic dicta bezoardica composita atque artificialia transeuntes, animaduertimus. Quod, quaeso, in libris pharmaceuticis, chymicis et practicis, aceta, aquas, balsama, condita, confectiones, conseruas, essentias, spiritus, olea, pilulas, pulueres, rotulas, syrupos, species, trochiscos, uina, electuaria, elixiria, extracta, iulepos, magisteria, sub titulo bezoardicorum descripta ac commendata inuenimus? Quot, quaeso, antidota generalia, quot iterum specialia, maxime ab inclutis laudata medicis prostant? In tanta autem tam diuersorum, multorumque inter eadem anilium, quae bezoardica dicuntur, remediorum farragine, summe necessarium, ut medicus discrepantem illorum indolem, ac uariam exinde resultantem operationem examinet, atque aegroti constitutioni causaeque morbi accommodata seligens in usum uocet.

XIII.

XIII. Primum igitur, ne quis promiscuo bezoardicorum usu oleum et operam, hoc est, suam famam cum hominum sanitate ac uita perdat, differentia inter bezoardica resoluentia et temperantia, inter bezoardica alcalina atque acida, exacte et ad amussim tenenda obseruandaque. Eadem enim toto inter se coelo, siue principia, siue ab iisdem dependentes effectus consideres, differunt. In alio igitur morbi casu causaque, bezoardica uolatilia, in alio aegrotorum statu, praecipitantia adhibere decet; bezoardica acida aliis, aliis alcalina praescribenda sunt. Illis uero remediis, homines, uel imminentes, quos timent, praecauendi, aut iam praesentes, quibus affliguntur, morbos curandi scopo, utuntur. Ad morbos praecauendos, nullis huiusmodi remediis opus esse, autumo, modo homines a debito ordine ac congrua uitae ratione, in rerum, quas ueteres nonnaturales uocarunt, usu non aberrarent. Quinimo, quotidianae suffragio experientiae constat, quod plures, dum bezoardicorum deglutitione, sanitatem defendere uoluerunt, in uarias easque graues pla-

ne infirmitates inciderint. Recenti recentissimum exemplum memoria adhuc teneo, ubi sartor huius loci, spiritum cornu cerui, ex consuetudine sibi familiari, ad prosperae tutelam ualetudinis, assumens, in continuam febrem uehementibus stipatam symptomatibus incidit. Plures quoque mihi satis noti, qui quotidie sic dictos pulueres bezoardicos, eundem in finem, cum magno sanitatis detrimento, assumerunt, et adhuc assumunt.

XIV. Multis haec non aequae uera uidebuntur, certum tamen, quod optima sanis medicina sit, sobrietas, omniumque remediorum, bezoardicorum praesertim, fuga. Nec ea te anilis occupet persuasio, quod quaedam inter bezoardica reperiantur, omnibus congrua et utilia partim, partim innoxia et quasi media, quae si nullum emolumentum, nullum peraeque detrimentum afferant. Sed sistas tibi cuiuscunque remedia naturae, eaque uel resinosa, uel salina, uel terrea, aliaque multiplicis bezoardica indolis, nullum inter eadem deprehendes, quod effectum, uel bonum, uel malum, tum in sanis tum aegrotis, non exerat. Si igitur
tur

tur promiscue, uel medicamentum bezoardicum penetrans, uel absorbens, quibusuis hominibus, tam sanis, quam aegrotis, tam integram conseruandi ualeitudinem, quam omnis mala generis profligandi fine, praescribis, quid exinde expectandum esse, putas? certum certe detrimentum. Hinc me quoque haec recordantem miseri miseratio status, in quo salutaris res artis iam constitutae sunt, subit; plures enim, non agyrtae, sed celeberrimi plane medici reperiuntur, qui uaria remedia, sic dicta bezoardica, sub balsamorum uitae, spirituum bezoardicorum, essentiarum astralium, puluerum cordialium, pilularum uisceralium et uitalium titulo, omnibus promiscue hominibus, sanis et aegrotis, tanquam certissima antidota, commendant, nec uerentur schedulis publicis, circumforaneorum more, non hominum salutem, sed detestandum aucupantes lucrum, eadem, repugnante licet ratione, certissima bonorum malorumque arbitra, aduersus quosuis laudare et praescribere affectus.

XV. Nihil itaque sine sufficienti ratione, in bezoardicorum usu, a prudenti suscipiendum medico, etenim, ut CICERONIS (r) uerba, mea faciam, bene adhibita ratio cernit, quid optimum sit, neglecta multis implicatur erroribus. Hac duce, medicus in pathologiae exercitio, utens, minima maximaque, uti loquitur SENECA, (s) ex huius consilio, prudenter et feliciter geret. Haec regula, si in ullorum remediorum, bezoardicorum certe, eorum cumprimis, quae drastica uocantur, praescriptione, uero commendatissima debet esse medico. Drastica uero bezoardica appello, quae largiore salis uolatilis et sulphuris copia praedita, magnam solida irritandi, et fluida dissoluen- di atque attenuandi uim possident. Huiusmodi bezoardica in morbis, qui a serosae abundantia colluuiei neruorumque atonia et flacciditate dependent, praesentissimae subsidia operationis sunt, atque illud, quod desideramus, afferunt emolumentum, eorum

(r) Lib. IV. Tusculanarum quaestionum.

(s) lib. 2. de Beneficiis cap. 18.

rum econtra in ficcioris hominibus constitutionis usus maximum affert et creat detrimentum. Quid igitur de illorum medicorum methodo medendi, qui sal uolatile oleosum Syluii, spiritum bezoardicum Buffii, liquorem cornu cerui succinatum, mixturam simplicem, spiritum rosarum, aut salis ammoniaci uinosum destillatis aromatum oleis saturatum, promiscue in quibusuis morbis, scopo materiam peccantem a corde ad corporis superficiem propellendi, praescribunt, sit sentiendum, non obscurum esse potest. Huiusmodi bezoardica, calida antiquis dicebantur, de quorum abusu atque exinde enatis incommodis, sequentem tibi, qui haec in deliciis habes, HIPPOCRATIS (t) aphorismum commendo : τὸ θερμὸν βλάπτει ταῦτα τοῖσι πλεονάκισι χρεομένοισι, σαρκῶν ἐκθήλυνσιν, νέρων ἀκράτειαν, γνώμης νάρκωσιν, αἱμορραγίας, λεπτοθυμίας, ταῦτα οἷσι θάνατος. Nec sufficit Coe Nostro, enumerasse mala, quae bezoardicorum uolatilium abusum sequuntur, sed idem etiam

E eadem

(t) Aphorismorum Sect. V. §. 16.

eadem in sic dictis morbis frigidis commen-
dans, contraindiantia adiungit, quae il-
lorum praescriptionem dissuadent, ὁκόσα,
monet iste, (u) κατέψυκται, ἐκθαιρμαίνειν
δεῖ, πλὴν ὁκόσα αἱμορραγέει, εἰ μέλει. Si
has Hippocratis cautelas, praesentis medici
temporis in uolatilium bezoardicorum usu
attenderent, melius sane multis prospectum
esset, et adhuc prospiceretur aegrotis.

XVI. Quo maior uero humorum ui-
taliū in morbis est resolutio, quo uehe-
mentior urget aestus, quo solida ficciora
et magis resistentia, eo grauior, eo certi-
or, ex bezoardicorum uolatilium alcalino-
rum praescriptione, perniciēs metuenda;
aucta enim exasperataque salium acrium in
huiusmodi corpore excedentium praua cor-
ruptaque indole et copia, auctaque neruo-
rum contractione atque in fluida actione,
intenditur humorum attritus, crescit aestus,
atque in igneum penitus feruorem mutatur,
animalis turbatur secretio, praecipue insen-
sibilis impeditur perspiratio, uiscera ac par-
tes

tes internae inflammantur, peruigilium, delirium, conuulsiones accerfuntur. Talem effectum huiusmodi remedia in cura uariolarum, morbillorum, purpurae, febris petechialis aliorumque similibus morborum, a simili causa materiali prouenientium, praestant. Noui quidem, quod plures medici perhibeant, ignem igne esse subigendum, et quod huiusmodi bezoardicorum usu materia peccans sit eliminanda. Tantum uero abest, ut haec remedia in huiusmodi aegrotis ad exturbandas exhibita uariolas, aliaque similis exanthemata naturae foras eliminanda, conueniant, aut eorum eruptionem accelerent et promoueant, quin potius eidem remoras iniiciant; sanguine enim, scribit SYDENHAMIVS, (x) his modis excalefacto, et in motum uiolentiores, quam qui materiae uariolaceae separationi rite peragendae par esset, concitato, obseruavi, certa tantum quaedam indicia sese prodidisse, latentibus intra cutem pustulis, neque se ultra efferentibus,

E 2

qui-

(x) Opusc. quae Geneuae 1684. in 12mo prodierunt, tr. de Variolis regul. p. 209. et 210.

quibuscunque demum bezoardicis sollicitarentur, donec tandem sanguine ad moderatam debitamque temperiem redacto, concessa scilicet cereuisia tenuiore, demptoque stragulorum, quibus torrebantur, onere, pustulis exiturientibus commodam strauit uiam, atque aegros in tuto, fauente Numine, collocaui. Idem, idque sincerum, de bezoardicis uolatilibus alcalinis, in cura uariolarum, iudicium fert LVDOVICI, (y) nam, inquit ille, ubi sanguinis uehementior feruor exaltatur, mors, quasi anticipando, facile superuenire potest, aequae ac complures pusiones terrae mandantur, nimia cubiculorum exaestuatione, potus denegatione uel calefactione, expulsiuorum anticipatione, multitudine, etc. quae ceteris paribus, uel rusticorum exemplo, parciori consideratiorique medicatione forsitan seruari potuissent.

XVII. Quod si huiusmodi aegrotus in flore aetatis constitutus plethora laboret, et exinde pulsum plenum et uehementem

tem habeat, atque insignem sanguinis turgescientiam, indeque pendentem immoderatum aestum, sitim, cephalalgiam, dyspnoeam, anxietatem, inquietudinem, tremores artuum, atque insultus epilepticos patiatur, eo magis bezoardica uolatilia, tanquam angue peiora, fugere, et praeter tempestiuam ac sufficientem uenae sectionem, temperantibus succurrere decet. Eadem incedendum uia in miliaris medela febris, quae haud raro, per abusum uolatilium bezoardicorum, talis, nempe exanthematica, redditur. Mentem iam subit historia aegroti, qui continua affectus febris a medico spiritum bezoardicum Buffii accepit, quo misere per octodecim dies excruciatu, tandem periit. Culpa et causa huius mortis in albam coniiciebatur purpuram, quam tamen artificialem, hoc est, bezoardicorum uolatilium abusu medicamentorum inductam fuisse, non sine ratione autumo, praecipue, cum per totum illud temporis spatium alui constipatione laborarit, atque ad illam tollendam, nec clyfma, aut aliud

accommodatum subsidium, per illos octodecim dies fuerit adhibitum.

XIIX. In aliis uero morborum et causarum morbificarum circumstantiis, bezoardica uolatilia, praemissis praemittendis, locum habent. Ita eadem, in aegrotis apoplexia tactis, in quibus et sanguinis abundantia et uisciditas peccat, post debitam sanguinis euacuationem, conuenient, ante eandem celebratam maxime noxia, quia uasorum cerebri infarctum augendo, magis sensus motusque actiones peruertunt. In haemorrhagiis econtra, haemoptysi, uomitu cruento, dysenteria, talia bezoardica, tanquam pessima uenena penitus exulare debent; nullum enim in tali rerum statu ab huiusmodi medicamentis emolumentum, certissimum uero et maximum sperandum detrimentum.

XIX. In cura febrium intermittentium bezoardica uolatilia non plane damno et dissuadeo, nec promiscuum eorum usum in omnibus admitto. In iis certe aegrotis, qui biliosis affecti febribus maximo affliguntur aestu, talia, de quibus sermo est, be-

zoardica, rationibus paragrapho decimo sexto iam allegatis commotus penitus repudio. Eadem econtra commendo, post sufficientem primarum uiarum expurgationem, in febribus, quae a feri et massae uiscidae copia ortae, serosae et pituitosae uocantur. Praemittenda igitur hic bezoardicorum usui congrua tam *ἀνω* quam *κάτω* euacuantia, alias his neglectis, si bezoardica, canale alimentorum plurimis referto cruditatibus, praescribimus, maius exinde in tales aegrotos detrimentum, quam emolumentum redundabit. Aduerti mense Octobri praeteriti anni, ex huiusmodi praepostera bezoardicorum uolatilium praescriptione funestam et fere lethalem tertianae intermittentis in continuam febrem mutationem. Ex eorundem pariter remediorum abusu, in aegroto quartana afflicto feбри, quam alius pertinaciter constipata comitabatur, recti tumorem atque inflammationem intestini praeterito praesentis anni mense obseruaui.

XX. Melius, his ita constitutis, erit, uolatilium loco bezoardicorum, salia fixa et re-

remedia saponacea ex sale tartari atque oleo therebinthinae per digestionem parata adhibere, si enim periculum non in mora, uolatilibus bezoardicis omnino carere possumus, dum ad uiscidae resolutionem massae pededentim perficiendam, fixa bezoardica, qualia sunt salia plantarum, cardui benedicti, centaurei minoris, absinthii, sufficiant. Talia sane medicamenta post euacuatas primarum uiarum sordes, in iis aegrotis, in quibus acidum ac uiscidum, negotium facessunt, medico prudenti commendatissima esse debent. Horum ministerio remediorum, in aliquot aegrotis, felici successu et breui temporis spatio quartanam intermittentem profligavi febrem. Eadem quoque bezoardica fixa in hepatis, lienis aliorumque uiscerum obstructione, ac sic dicto malo hypochondriaco maxime proficua sunt, si praecipue illorum usui, post sufficientem massae uiscidae attenuationem, congruum emeticum, aut purgans, mercuriale imprimis, interponamus atque adiungamus.

XXI. Sin uero, quem curandum habes, aegrotus dyscrasia salino-sulphurea laborans in febrem biliosam, hecticam, icterum, tabem, melancholiam incidat, temperatiora bezoardica, qualia suppeditant salia neutra, nitrum scilicet antimoniatum, lapis prunellae, arcānum duplicatum, feligenda, ac cum serosis et gelatinosis iuncta, exhibenda sunt. Sed, quanquam certum sit, quod nitrum in tali statu egregia suggerat remedia; quanquam RIDLINO (z) concedamus, quod nitrum praeparatum, in quibuscunque febribus, praecipue continuis et malignis, decoctis pro potu ordinario praescriptis, non sine fructu additum fuerit; quanquam eidem largiamur auctori, quod allegatum medicamentum in salacitate, furore uterino, illisque caloribus, qui uolatici dicuntur, felici usurpetur successu, non tamen idem pro panacea bezoardica habendum, cum in serosae hominibus constitutionis, qui debilem possident uentri-

F

cu-

(z) *Lineis Medicis de ao. 1695. mense Octobris Obs. 22. pag. 345.*

culum, contrarium penitus praestet effectum. Quinimo, perspecta cognitaque habeo bilosae subiecta naturae, quibus nitrum antimoniatum exhibitum, nauseam, tormina, dyspnoeam, abdominis intumescentiam, creauit.

XXII. Et sane operae pretium est, ut has perpendens circumstantias, remedia bezoardica iterum mutes, et pro nitrosis acida adhibeas, quae, quo palato uentriculoque magis accommodata, eo praestantior exinde operationem expectare possimus. Quanta sit huiusmodi bezoardicorum in particulis acribus alcalinis et salinofulphureis corrigendis, aestu sedando, nervis laxioribus roborandis, utilitas, pluribus argumentis atque experimentis Nobilis Dominus DE BERGER, (a) immortale Academiae nostrae ornamentum, ob oculos posuit. Verum enim uero, hic merito caute lae, antecedentium occasione remediorum, suppeditatae, obseruandae, ut scilicet bezo-

(a) binis dissertationibus de acido insonte, quibus, quae a congruo acidorum remediorum emolumenta sint expectanda, demonstratur.

zoardica acida, nisi sufficientia adsint indicantia, non praescribas, probe gnarus, quod multi reperiantur aegroti, in quibus acidae praedominium dyscrasiae maximum faceffit negotium.

XXIII. Conferenda igitur a medico prudente in usu bezoardicorum pugnancia, et comparanda contraria. Quam graua et perniciofa mala ex nimia humorum resolutione, tenuitate atque acrimonia propullulent, plures casus tragici quotidie occurrentes docent, Medicus acerfitus atque in huiusmodi rerum angustiiis constitutus ad bezoardica opiata, quae incrassantia dicuntur, nisi aliud suadeant et demonstrent contraindicantia, confugiat, necesse est. Salutarem huiusmodi remedii effectum expertus fuit RIDLINVS, (b) sic nuper admodum, scribit ille, cum mercatoris cuiusdam primarii filiulus, per trimestre, et quod excurrit, tussi tam uehementi diuexaretur, ut et interdum magna narium haemorrhagia subsecuta fuerit, plurimaeque remedia, quam dili-

F 2

gen-

(b) *Lineis medicis anno et mense citatis obseru. 21. p. 344.*

gentissime adhibita, nihil quicquam efficerent, quinimo malum semper cresceret, quatuor annorum puero ex duobus granis duas formatas pilulas sub noctem exhibere iussi, pilularum nempe de styrace, has cum uix bis terue sumisset, malum tantum non in totum sublatum fuit, imo cum pauculos adhuc dies hasce pilulas continuasset, Dei gratia, plane desiit. Ast non semper oleum, maxime saepe obsunt opiata, praecipue si mox in principio febrium continuarum et catarrhorum adhibeantur. Idem allegato euenit RIDLINO, (c) qui foeminae febre continua haud adeo acuta, non tamen omnis malignitatis experte decumbenti, et tantum feri tenuis ore et naribus reddenti, ut uix uerbum commode proferre potuerit, unum granum extracti opii cydoniati aliis maritatum medicamentis exhibuit, quo uix assumpto, tam male se habuit, ut iamiam mortem instare sibi metuerit, a quo autem metu, uolatilis subsidio remedii denuo liberata fuit. Disce interea, ex hac, cum citato auctore,

(c) *Millenario Curar. medic. Centur. IX. obs. 51. p. 591. et 592.*

re, obseruatione, dico, quam caute medicamenta opiata sint exhibenda. Cum haec ita se habeant, et quotidianae suffragio experientiae sanaeque consensu rationis sint confirmata, non satis perspicere queo, quo fundamento nixus idem celeberrimus medicus, (d) alexipharmaca seu sic dicta bezoardica, mithridatium Damocratis, theriacam, sanis tuto exhibenda commendare possit, qui tamen propria edoctus experientia, quam funestum theriaca coelestis intempestiue sumta effectum induxerit, peculiari indicauit (e) et descripsit exemplo.

XXIV. Denique omnia ista, quae ex opio parantur, minus tuta sunt bezoardica, si aliquis ex ueneno acri, quale arsenicum, deglutito, uehementi uomitu, torminibus, ardore, inquietudine, anxietate corripitur. Hic enim eiusmodi desiderantur medicamenta, quae acrimoniam implicando atque obuoluendo, neruos uentriculi atque intestinorum irritatos demulcendo et lubricando,

F 3

do,

(d) *Lin. med. ao. 1696. mense Aprilis obs. 1. p. 153.*

(e) *Millen. Cur. med. Cent. VIII. obs. 96. p. 478.*

do, ueneni iam satis temperati et correcti reiectionem adiuuant. Hoc, si negligas, ac uomitus sistendi ergo, mox ad opiata, qualia, theriaca coelestis, laudanum opiatum, diascordium Fracastorei, essentia anodyna, confugis, uenenum intra corpus hac ratione retentum eo funestiores exercebit tragoe-diam, certissimamque afferet perniciem, uti proposito casu, incomparabilis nostro seculo Medicus, FRID. HOFFMANNVS, (f) demonstrauit, adiuncto simul alio exemplo, quo confirmatur, optima bezoardica ad ueneni acris ore assumpti correctionem atque eliminationem, esse serosa, lac, lacticia, oleosa, pingua, u.g. oleum amygdalarum dulcium, lini, oliuarum, iuscula carnum teneriorum, butyrum non salitum, affatim hausta, iisque procuratum promotumque uomitum. Quemadmodum uero in tali rerum statu saepe medicorum negligentia atque imperitia accusanda, ita ex eodem fonte peruersam diarrhoeae et dysenteriae medelam arcessendam esse, haud semel aduerti, in illis quippe morbis curandis, plures primum euacuantia, rhabarbarum scilicet, pilulas Becheri, Bontii, in usum uocant, deinceps, quando hac absona medendi metho-do

(f) *Medicina Consultatoria Decad. I. cas. VII. p. 37. et 38.*

do omnia sunt exasperata, continua praecipue febris simul accessit, illico uel ad opiata, uel ad alia adstringentia, terrea nempe, confugiunt, cum tamen iisdem ex sanae usu et dictamine rationis constare deberet, nec stimulantia, quae quippe nimis auctum iam motum peristalticum intestinorum magis intendunt, nec adstringentia, quae materiam peccantem retinent, sed sola demulcentia et lubricantia conuenire.

XXV. Quis itaque, haec subducta secum ratione examinans, negare potest, quod in usu bezoardicorum terreorum, eorum praecipue, quae ui adstringendi obstruendique maxime pollent, prudentia ac circumspeditione omnino opus sit. Ea terrea, quae uel natura ita comparata, aut fortiore ignis tortura, aut menstruis acribus corrosiuis in meras calces insolubiles conuersa, omni acre absorbendi aperiendique uirtute destituuntur, e medico prorsus proscribenda foro arbitror, plurimisque conuictus rationibus atque experimentis affirmo. Mense Iunio praeteriti anni me consulebat foemina Schmiedebergensis, de uementi uehentriculi dolore, appetitu plane prostrato, totius corporis lassitudine conquerens; haec, cum in principium huius morbi paulo penitius inquirerem, referebat, quod intermittente affecta febris pulueres plures a medicaastro acceperit, quibus deglutitis, status illius indies deterior redditus fuerit. Ominans hinc, quantum ex relatis coniectura assequi licebat, puluerem illum fuisse terreum adstringentem, sex doses salis absynthii, dimidiaae quantitate drachmae, primum, deinceps emeticum, et tandem tincturam martis absyn-

synthiacam, praescriberebam, quibus Dei beneficio perfecte restituta, integra iam fruitur ualetudine. Plures ex usu corticis chinae in uentriculi dolorem incidisse, saepe laudatus RIDLINVS (g) testatur. Si idem, cortex chinae, qui ab allegato auctore merito febrifugorum maximum et tutissimum nominatur, praestat, quid a bolis terrestribus terrisque irresolubilibus expectandum, quas multi Stahliani nihilo fecius cum summo aegrotorum detrimento exhibent. Nuper modo curandum habui aegrotum, qui febre quartana laborans, accepta tali terra, quam *Roetelstein* dicunt, in haemorrhoides coecas, intestini recti inflammationem, alui constipationem, febrem lentam continuam incidit, a quibus denuo, solo arcani duplicati atque infusi emollientis frequenter adhibiti usu, misericordis auxilio Dei liberatus fuit. Alius recordor aegroti uentriculum cruditatibus onustum habentis, cui carcinoma Stahlianum puluerem terreum stypticum dederat, a quo alius cum plurium concursu symptomatum adeo constipata fuerat, ut repetito clysmatum et aperientium remediorum usu, eandem referare necesse esset. Omnia uero bezoardica terrea, ea imprimis, quae salia secum gerunt, non repudio, sed talia saltem, quorum iam supra facta mentio. Cautius hinc, alieno sapientiores redditi periculo, discamus mercari, omnemque, in diuersorum praescriptione bezoardicorum, moueamus lapidem, ne illius, quem conseruare debemus, absona medendi methodo, uitae acceleremus finem.

(g) *Lin. med. A. 1696. mense Decembr. obs. 15. pag. 613. et 614.*